

癰

星香散

見中風

壽星丸

見癰

抱膽丸 治男婦一切癰癰風狂或因驚恐怖畏所致及婦人產後血虛驚氣入心并室女經脉通行驚邪蘊結累効

水銀

貳兩

朱砂

壹兩 細研

黑鉛

壹兩 半

乳香

壹兩 細研

右將黑鉛入銚子內下水銀結成砂子次下朱砂滴乳乘熱用柳木槌研勻丸鷄頭大每服壹圓空心井花水吞下病者得睡切莫驚動覺來卽安再

壹圓可除根

清心湯卽涼膈散加黃連麥門冬

見發熱

四七湯

見氣

靈苑辰砂散

見狂

養正丹

見氣

三生飲

見卒中

三化湯

見中氣

五邪湯

治中風神思昏憤五邪所侵或歌或哭或

笑或喜或怒發則無時

防風

去蘆

桂心

白芍藥

遠志

去心

獨活

去蘆

甘草炙

白朮

去蘆

人參

去蘆

秦艽

去蘆土

牡蠣煨

石膏

禹餘糧醋淬各
貳兩

雄黃水飛

防已去皮

石菖蒲

茯神去木

蛇蛻皮炒各
壹兩

每服四錢水二盞煎壹盞去粗溫服不拘時候日

進二服

九精丸

一名九物
牛黃丸

治男子沽鬼魅欲死所見驚怖欲

走時無休止邪氣不能自絕者

牛黃

土精一
云火精

龍骨

水精

荆實

人精

元參

元武精
去蘆

赤石脂

朱雀精

玉屑

白虎精

曾青

蒼龍精

空青

天精
研

雄黃

地精無石者妙
研已上各壹兩

右九味名九精上通九天下通九地爲細末煉蜜和丸如小豆大每服壹丸日三服以知爲度

附方

獨効苦丁香散

効得

治忽患心疾顛狂不止得之驚憂

之極痰氣上犯心包當伐其源

右以苦丁香

卽瓜蒂

半兩爲末每服壹錢重井花水

調滿一盞投之得大吐之後熟睡勿令人驚起凡吐能令人目翻吐時令閉雙目或不省人事則令人以手密掩之信乎深痼之疾必投瞑眩之藥吐不止以生麝香少許溫湯調下卽解

控涎丹下痰涎

見行痺

甘遂散

治癰瘤及婦女心風血邪

甘遂壹錢爲末用猪心取三管血三條和甘遂多
少和之將心批作二片入藥在內合之線縛外用
皮紙裏濕慢火煨熟勿令焦取藥細碾入辰砂末
壹錢和勻分作四丸每服壹丸將所煨猪心煎湯
化下再服用別猪心亦可過半日大便下惡物後
調和胃氣凡此病乍作乍醒者甦不食迷癡者不
治

瀉心湯

治心受積熱譫言發狂踰牆上屋

大黃

黃芩

黃連

錢各伍

右劉散每服四錢水一盞半煎服

引神歸舍丹 治心氣亦治心風

大天南星

刮去皮取心秤壹兩生用

附子

壹枚重柒錢以上者炮去皮臍

朱砂

壹兩水飛

右爲末用猪心血圓梧子大如不稠黏用麪糊少許煎忘憂草根湯下子午之交各一服

秘方半夏丸

集驗

治心風狂張德明傳其內人失心狂

數年服此藥而愈後再作服人參琥珀丸而安

半夏

壹兩用生薑汁煮三五十沸取出切作塊更煮令熟焙乾爲細末

麝香壹錢 研

水銀半兩

生薄荷壹大握 銀研如泥 和水

右件藥入薄荷泥內更研千百下丸如芥子每服十五丸金銀湯臨卧下三日再服

人參琥珀丸

人參去蘆

琥珀另研

茯神去木

白茯苓去皮

石菖蒲節密 小者 遠志 各半兩 酒浸 半日去心

乳香另研

酸棗仁溫酒浸半日去殼 紙上炒令香熟

硃砂另研水飛 各貳錢半

右爲細末煉蜜丸桐子大每服二十九丸食後溫酒送下日再服如不能飲棗湯下可常服

甯志九

効得

好硃砂壹兩將熟絹一小片包裹線紮猪心一枚竹刀切開不犯鐵用紙拭去血入朱砂包於猪心內再用線縛合又用甜笋殼重裹麻皮紮定無灰酒貳升入銀器或砂礮內煮酒盡去包取出朱砂另研將猪心竹刀細切砂盆內研爛却入後藥末并朱砂棗肉爲丸留少朱砂爲衣藥末須隔日碾下棗肉於煮猪心口絕早煮熟去皮核取肉四兩用患心風服此一料其病頓減

人參

白茯苓

當歸

洗去土及蘆

石菖蒲

乳香

別研

酸棗仁

用伍兩許湯浸去皮可取

半兩淨仁炒令赤香熟爲度
已上各半兩

右爲末和丸如梧子大以留下朱砂爲衣每服五

十丸人參湯下

藥珠丸

大猪心

壹枚取血

大硃砂

壹兩爲末

青靛花

壹匙

右先將青靛花猪心血一處同研次以朱砂末共
丸如梧子大每服二十九茶酒任下不拘時

一醉散卽一醉膏

見狂

天門冬煎 治風癲

天門冬

拾斤湯浸貳日
去心

生地黄

肥淨者
叁拾斤

右二味安木臼內搗一二千杵取其汁再入溫湯
更搗又取其汁不論幾次直待二藥無味方止以
文武火熬成膏子盛甕器內每服一匙溫酒化下
不拘時日進三服

狂

生鐵落飲

生鐵肆拾斤入火燒赤沸砧上鍛之有花出如蘭
如蛾紛紛墮地者是名鐵落用水二斗煮取一斗
入後藥

石膏

參兩

龍齒

研

白茯苓

去皮

防風

去蘆各壹兩半

元參

秦艽

各壹兩

右爲麤散入鐵汁中煮取五升去查入竹瀝壹月
和勻溫服貳合無時日五服

朱砂圓

鎮心神化痰涎退潮熱利咽膈止煩渴

鐵粉

天竺黃

各壹兩

金銀箔

各貳拾片

人參

貳錢

腦子

半錢

生麝香

壹錢

輕粉

貳錢

眞犀角

貳錢

海金砂

壹兩

朱砂

伍錢

右爲末水圓朱砂爲衣共圓作陸佰圓每服壹圓至五圓痰盛潮熱薄荷沙糖生葛自然汁井水下狂言譫語涎壅膈上地龍參兩薄荷及砂糖水研心神不甯金銀箔薄荷湯化下

抱膽丸

見廟

養正丹

見氣

瓜蒂散

見傷食

來甦膏

竹瑞

治遠年近日風癰心病風狂中風涎沫潮

閉牙關不開及破傷風搐

皂角

壹兩肥大不
蛀者去皮弦

右將皂角切碎用漿水一大碗春秋浸三四日冬
七日夏一二日揉開取淨浸透皂角汁入銀器或
砂鍋內以文武火熬用新柳條槐枝攪熬似膏藥
取出攤於夾紙上陰乾收頓如遇病人取手掌大
一片用溫漿化在盞內用小竹管盛藥水將病人
扶坐定頭微擡起以藥吹入左右鼻孔內良久扶
起涎出爲驗欲要涎止將溫鹽湯令病人服一二

口便止忌鷄魚生硬濕麵

大承氣湯

見大便不通

當歸承氣湯

保命

當歸

大黃

各壹兩

甘草

半兩

芒硝

木錢

右剉如麻豆大每二兩水一大碗薑五片棗十枚煎至一半去查熱溫服

洗心散

治風壅涎盛心經積熱口苦脣燥眼澀多

淚大便秘結小便赤澀

白朮

壹兩半

麻黃

和節

當歸

去苗洗

荊芥穗

芍藥

甘草

大黃

麴裏煨去麴切焙各陸兩

右剉散每服三錢水一盞半生薑三片薄荷葉七

片水煎服爲末茶清調亦可

涼膈散

解毒湯

俱見發熱

甯志膏

本

人參

酸棗仁

各壹兩

辰砂

伍錢

乳香

貳錢半

右爲細末煉蜜和丸如彈子大每服壹丸薄荷湯送下予族弟緣兵火失心制此方與之服二十粒

愈親舊傳去服之皆驗

一醉膏 治心恙

用無灰酒貳盃香油肆兩和勻用楊柳枝二十條
逐條攪一二百下候香油與酒相入成膏煎至八
分灌之熟睡則醒或吐下卽安矣

靈苑辰砂散 治風痰諸癇狂言妄走精神恍惚思

慮迷亂乍歌乍哭飲食失常疾發仆地吐沫戴目

魂魄不守

辰砂 壹兩須光明
有墻壁者

酸棗仁 半兩
微炒

乳香

半兩光
瑩者